

大清宣統政紀卷十六

宣統元年己酉冬十月丁丑朔時享

太廟派睿親王魁斌恭代行禮 遣官祭

東陵

西陵 遣官祭

端慧太子園寢

醇賢親王園寢 遣官祭

孝欽顯皇后

德宗景皇帝暫安寢殿

照錄

孝欽顯皇后梓宮奉安

地宮前期三日遣官祭告

天

地

太廟

奉先殿

社稷

先師孔子 遣官詣

德宗景皇帝几筵前行告祭禮 是日

孝欽顯皇后梓宮至

普陀峪

定東陵至大紅門外豫親王懋林遙向

祖陵恭代行祇謁禮

梓宮入

隆恩門奉安於

隆恩殿遣禮親王世鐸恭代奠酒行禮

照錄

頒宣統二年時憲書

諭軍機大臣等電寄廣州將軍增祺兩廣總督袁樹勛增祺等

電奏連接袁樹勛及巡警道來咨諮議局圍牆外旗房即日拆毀燕塘舊礮場索歸新軍操場駐防所請勘查閑田不允派員會勘索要滿漢巡警局歸併巡警道人心惶惶不安等語覽奏所陳各節殊堪詫異該將軍署督同城共事遇有公務本應彼此熟商力求治理況值變法維新之際凡在臣民自當不分畛域何得稍存意見致妨大局著增祺袁樹勛等將所奏各節和衷商辦共體時艱用副委任儻再各存意見貽誤要公定惟該將軍署督等是問並將籌辦情形妥議會同具奏

現月

四川總

督趙爾巽奏推廣農工各事迭經飭屬籌辦唯川省風氣閉塞進步甚遲自經奏設勸業道極力倡導計農林一項已設有中小學堂及試驗場二十餘所其絲茶棉三種皆接踵興辦漸有成績工業一項則分官辦民辦兩種官辦者爲各屬勸工局製革肥皂火柴印刷等專廠兵工廠工藝學堂工業化學試驗所

民辦者爲造紙火柴川盜電燈確詰甄瓦織布各公司電鍍玻璃繅絲機器曹達各工廠資本省者數千元多者十餘萬二三十萬不等類皆改良土產以擴行銷仿製洋貨以杜外溢川省困於交通爲效祇此此後民智漸開自當力圖精進以興實業而挽利權得旨即當認真妥速籌辦農工商部知道 又奏查酌部咨省城商埠各級審判廳籌辦事宜第四款又編制大綱第三條第六條各款是地方審判檢察兩廳共設五六品官九人而於一縣轄境之內又僅能審判已設初級審判廳區域民刑重大事件之第一審及鄉鎮民刑輕鬆事件之第二審其鄉鎮第一審大小詞訟事件仍歸地方官管理不獨一縣內有治理兩歧之嫌且事少員多朝廷亦何必虛糜此廩祿至於初級審判廳現雖不能設及鄉鎮然其管轄區域或不妨及於鄉鎮是以奴才原奏籌辦川省審判廳摺內即擬以城治初級審判

廳酌增推事員額轄及縣治全境於人民向來訟訴必至城治
習慣亦不相妨且司法獨立不獨爲憲法之大綱亦爲預備收
回領事裁判權之基礎若當創辦之初改一邑而不收一邑完
全之效恐司法獨立之精神既因而頓阻即完我主權之提議
亦從而相妨此尤不能不早爲慮及者也又當此民窮財困之
秋百端並舉之際若能擴大司法區域減少司法官員即可省
國家無窮之經費又早促司法獨立之觀成事經升任山東巡
撫臣袁樹勛所奏陳奴才亦夙與爲同意可否請旨飭下館部
諸臣從速擬議早事變通庶於籌備憲政前途不無裨益得旨
該衙門妥議具奏尋憲政編查館會議政務處法部會奏法院
編制法所定法官員數應視事務繁簡爲衡請飭法部通盤籌
畫奏定遵行不得過於冗濫司法經費應分開辦及常年二種
應飭法部妥籌規畫法官官俸應由法部商明度支部酌中釐

定作爲暫行章程請旨遵行 又奏川省額設常關八處其大者爲夔州府關打箭爐關向係奏派該管府廳監督稅務其次成都雅安甯遠三府關敘永廳廣元縣兩關並閬中縣豬稅均歸該管府廳縣徵收渝關之木稅涪口之雜稅則附屬夔關徵報並不另委專員從前收數較豐原定費用過絀收數豐則不能無覬覦之心費用絀則適啓侵蝕之弊奴才習知其弊非更張不可是以本年正月即將雅安敘永廣元三關及閬中縣豬稅歸各該處經稅分局辦理夔關事務較繁專派大員監收並以該處向有之貨釐局併歸經理其成都甯遠二關亦分別另派專員管理打箭爐應設經徵分局一處即以關稅歸其兼管並將各關事宜統歸藩司經徵總局考核惟夔州府爲全川門戶地居衝要成都府地當首輔甯遠府逼近夷巢治理均屬繁難現擬每年加給夔州府公費銀二萬兩成都府五千兩甯遠

府一萬兩其餘打箭爐敘永雅安三廳廣元閬中二縣上年均已普給公費應請毋庸再給其餘無關緊要各款一律飭裁以節糜費下部知之 又奏涼山猺夷窟穴於川滇兩省之中肆出爲患近年日益猖獗滇省受患尙不甚深而川省沿邊州縣營汛地方多在夷巢環拱之中漢夷雜處夷強漢弱搶掠男婦輾轉售買一入涼山老巢遂若沈淪異域鞭笞桎梏慘虐不可言狀奴才自上年到任後體察情形深知夷患日深非認真勦辦不足以紓患而衛民爰於搶掠馬料河一案派兵勦辦復將淺山二板房各夷一律勦撫平靜現在邊防文武亦漸去畏葸因循之習邊兵團練日與夷人相逐漸亦習其技能查馬料河一案滋事之吉狄馬家等支及去冬戕斃遊歷英人一案之阿猴蘇噶等支均恃其巢深穴遠以爲官力不及自不得不痛予懲創當經飭令建昌鎮總兵田振邦署甯遠府知府陳廷緒添

招勇營增調團練於本月初旬進兵先辦吉狄馬家支夷如果辦理得手即由交脚進規阿猴蘇噶等支又檄飭馬邊廳邊防文武嚴整邊備一俟甯遠之師進至交脚由東路掃蕩而出馬邊之師即由西路掃蕩而入同時夾攻使阿猴蘇噶等支兇夷首尾不能相顧庶可以戢兇暴之風圖控制之策查由甯遠以至馬邊中間夷地綿亙六七百里如能會兵互抄是由東而西已將涼山老巢穿破將來能否大舉平其地籍其人以除兩省腹心之患及應需兵力餉力亦可就此次實驗所經準酌預算以資籌計報聞 又奏勦辦西昌會理交界二板房夷匪一律肅清計平夷地二百餘里投誠夷衆一十八支暨編團移汛辦理善後各情形並請將在事出力員弁分別獎卹得旨准其擇尤酌保 又奏川省撥款浩繁餉源不繼請援案再辦宣統二年隨糧捐輸一次以資接濟如所請行

摺包

署兩廣總督袁樹

勦奏准法部咨內閣會議政務處核覆本部奏議御史吳緯炳奏尋常盜犯請照例勘解一摺各省除實係土匪馬賊會匪游勇嘯聚藪澤抗拒官兵形同叛逆者暫准就地正法外其餘尋常盜犯一律照例由該管土司覆勘分別具奏不得先行處決自係爲慎重刑章起見殊不知粵東盜匪與他省情形迥不相同其醜類之多凡會匪土匪游勇無一不備近且有革黨竄入其間隱相勾串上年西江商輪被劫外人竟欲派兵奪我捕權現在嚴飭緝捕辦理斷不宜鬆勁一經規復舊制則自州縣而府司自府司而院逐層審轉至接奉部覆正法總在半年之外遲之又久匪徒將何由知儆儻各牧令辦理爲難相率因循諱飾遇匪不拏獲犯不辦營員之認真緝捕者亦不免因之鬆懈於捕務深有關係應請暫緩規復舊章仍照歷年變通章程凡盜匪之罪應立決與現定部章相符者一律就地正法其情有

可原罪應軍流發遣者仍照例辦理俟將來盜風稍戢再行奏

明遵復舊制以慎刑章下部議包摺兩廣總督張人駿奏甯京

兩防生員已逾百名擬援案添設拔貢一名倍取一名以廣登

進下部議包摺添鑄河南巡警勸業道各關防從巡撫吳重熹

請也包摺以虧款潛匿革前署四川冤山營都司張汝衡職歸

案訊辦包摺予故成都將軍馬亮祭葬如例子候選同知廣榮

以知府分省補用諡勇僖現月以積勞病故予故廣東潮州鎮

總兵官黃金福例卹

包摺

戊寅

孝欽顯皇后梓宮奉安

普陀峪

定東陵

隆恩殿遣禮親王世鐸恭代行饗奠禮照錄以差滿回國賞經理鐵

路借款代表英員濮蘭德寶星摺己卯遣肅親王善耆詣

普陀峪

定東陵

隆恩殿

孝欽顯皇后梓宮前恭代行遷奠禮候

梓宮升小壘奠酒三爵恭奉

梓宮至

寶城前

蘆殿升

龍輜車奠酒行禮

照錄

諭軍機大臣等本年因甘肅連遭亢旱吉林

湖北猝被水災當經分別頒發帑銀並由該督撫等妥籌賑撫其餘奉天湖南廣東福建等省據報偏災亦經先後諭令該督撫等籌辦急賑妥爲撫恤小民諒可不至失所惟念來春青黃不接之時民力未免拮据著該督撫等體察情形如有應行接

濟之處即著認真查明據實覆奏務於封印以前奏到候朕於
新正降旨加恩此外各該省有無被災地方應行調劑之處並
著一體查明具奏該督撫等務當痛除積習飭屬確查不得稍
有捏飾以副朝廷實惠及民之至意將此通諭知之

現月

庚辰

孝欽顯皇后梓宮奉安

地宮命肅親王善耆恭詣

普陀峪

定東陵

蘆殿

梓宮前奠酒恭奉

龍輜車引紼入

寶城永遠奉安

孝欽顯皇后梓宮於

寶牀上復詣

地宮外恭代行奠酒禮題

主屆時協辦大學士榮慶大學士鹿傳霖恭題

神主奉安

寶座仍命肅親王善耆恭代行虞祭禮畢恭奉

神牌奉安

黃輿內跪送啟行命禮親王世鐸肅親王善耆等恭奉

孝欽顯皇后神牌黃輿回京遣順承郡王訥勒赫沿途恭代行朝夕

祭禮以大葬禮成遣官告祭

東陵

西陵並

普陀峪

定東陵

后土

普陀峪之神遣官告祭

德宗景皇帝暫安寢殿遣官告祭

奉先殿

照錄

諭內閣沈秉堃奏雲南署平彝縣准補新平縣知縣陳

策賢辦理禁煙不遵定章自私自利卸辦羅平釐金試用典史

傅明賢抽釐舞弊確有贓私均著即行革職傅明賢贓款並著

嚴行追究卸辦平彝釐金即用班補用知縣楊寬卸辦陸涼釐

金即用班補用知縣曹瀛於司巡舞弊毫無覺察均屬庸懦無

能惟係正途出身文理尙優俱著以教職歸部銓選

現月

又諭

前據御史胡思敬奏疆臣嗜酒廢事貪黷營私並貴陽府知府

謝文翹縱子從兇疾民如仇各摺片當經諭令沈秉堃確查具

奏茲據查明奏稱貴州巡撫龐鴻書被參各款查無實據惟嚴

於律已馭下未免稍寬等語龐鴻書被參各款既無實據著免

其置議該撫身任疆寄嗣後務當振刷精神於行政用人力求整飭儻敢因循敷衍斷難稍示姑容貴州貴陽府知府謝文翹雖無縱子行兇等事惟性情謬戾不恤人言署天柱縣知縣印江縣知縣鄒毅洪居心殘忍辦事欺飾按察司照磨劉名晉捏稟移局至釀重案均著即行革職試用知縣李祖章查無實在劣迹著俟起復回省後隨時查看候選通判劉澤沛物議滋多著勒令回籍宗彝呂聯奎辦理學務尙能認真著免其置議什長聶紹初著飭鄒毅洪交案審辦歲貢生蕭埴熙著地方官嚴加管束

現月

察哈爾都統誠勳奏前據西林果勒盟長西烏珠

穆沁副盟長等因聞京張鐵路將通深恐蘆鹽浸灌有礙蒙銷懇請設法保護業經訂立合同條約奏明辦理茲復據東西蘇呢特派專員陸續來口與公司當面定議凡行直隸熱河大同等處者均願歸公司認包並請派勇驅逐外來遊民均歸蒙

人自運惟西蘇呢特有運銷山西歸化等處之白鹽據稱仍願自運銷售不歸公司認包自應聽從其便嗣後遇有該旗運往山西歸化等處銷售白鹽應由公司查驗所隨時給予運票任其前往所指地方銷售以順蒙情其西烏珠穆沁一旗因路途遙遠尙未遽派員來口應俟到日與公司直接定議以歸一律

下部議

包摺

護理雲貴總督沈秉堃奏准度支部咨奏准推廣

牌照捐一案當經前督臣錫良以滇省禁煙無論栽種販吸均先後奏明縮限於上年年底一律淨盡毒苗既絕出產毫無躉售之商零販之店靡不依限歇業實無買賣煙膏煙土之人牌照捐無憑開辦下所司知之

包摺

豁免雲南趙州被水田畝上

年應征糧銀

包摺

辛巳諭內閣肅親王善耆等奏承差不力據

實糾參一摺

孝欽顯皇后梓宮永遠奉安典禮至爲重要承辦各員應如何恪恭